

GENITORI MATRIS MEÆ D. B. MOREAU.

## DISSERTATIO MEDICA DE ANGINA INFLAMMATORIA,

QUAM in Augustissimo Ludovico Medico Mompeliensi, Deo duce & auspice Dei - parâ tueri conabitur, Auctor JOANNES-BAPTISTA-BARTHOLOMÆUS VIALET, Rupelleus, Artium Liberalium Magister, & jamdudum Medicinæ alumnus, die 7<sup>a</sup>. mensis Decembris, anni 1773.

*Pro Baccalareatus gradu consequendo.*

### I.

**A** Simplicibus faucium malis distinguenda venit Angina quæ generali nomine comprehendit, omnes illos morbos qui, impedimento vel dolore partium deglutitioni & respirationi inservientium, illas binas functiones simul vel singulas turbant; sic tamen, ut causæ horum morborum supra ventriculum & pulmones hæreant.

#### I I.

In varias species dividitur iste morbus, alia propterea Angina est aquosa vel œdematosa quæ ab aquâ vel pituitâ creatur, in parte glandulosa præcipuè secretis. Alia schirrosa nuncupatur, quæ fit à materia lenta, crassa, veluti gypsea glandulis impacta: hinc duri & indolentes glandularum tumores hunc morbum presentem monstrant. Alia suppuratoria salutatur, si inflammationis symptomata subito cum bonis signis cessent; quin alia signa doceant materiam morbi ad alia loca transiisse. Alia gangrænosa, quæ dignoscitur facie cadaverosa, extremarum partium corporis frigore, livore, pulsu debili atque inæquali. Si nervi motores organorum deglutitionis vel respirationis paralyti afficiuntur, paralytica tunc adeft Angina. Si vero musculos pharyngis vel laryngis convulsio afficiat, sive id ab affectu hysterico sive à vera convulsione proveniat, convulsiva nominatur. Sed de his omnibus hic non agitur de Angina tantum idiopatica & inflammatoria agemus; de qua nunc.

#### I I I.

Angina inflammatoria ea est quæ deglutiendi & respirandi difficultate stipatur, quam comitantur dolor pungitivus & lancinans circa fauces, tumefactio ac relaxatio tonsillarum & uvulæ, febris continua, sum-

mum aërem respirandi desiderium , inflammatio vel membranam muscu-  
 losam internam fistulæ pulmonalis occupans , vel laryngem vel musculos  
 elevandis ossi hioidei vel laryngi servientes , vel pharyngem vel fauces  
 internas &c. sive singulatim sive pluribus ex his id contingat. Si sola  
 laborat pulmonalis fistula , præter inflammationis communia signa , vox  
 acuta , clangosa , sibillans , nullo externo tumore , respiratio acute  
 dolens , parva frequens , pulsus mire & cito vacillans , angustia summæ ,  
 citaque mors. Si larinx eisdem afficiatur symptomatibus , est dolor in  
 elevatione laryngis ad deglutitionem ingens , aut ut inter loquendum vox  
 acutissimâ cum summis angustis citissimaque mors. Si muscoli ossi  
 hioidei & laryngi elevandis servientes inflammantur , respiratio est satis  
 libera , deglutitio verò in prima suæ actione exercitationis acutissime  
 dolens. Si pharinx eodem infestetur malo , dignoscitur respiratioe sa-  
 tis commoda , deglutitione dolenti , impossibili , materiæ deglutiendæ  
 per nares in asperam arteriam regressu , eadem pulsa materia tussim  
 violentam excitat. Si vero fauces , uvula , tonsillæ , &c. afficiantur ,  
 oculis solis id detegitur. Quibus signis adde vultus rubedinem , urinarum  
 inflammationem eo evidentiorẽ quo difficilius respirat ægrotans : tunc  
 enim impeditur redditus sanguinis à venis jugularibus pulsus durus , fre-  
 quens & inequalis reperitur , sed non constanter ; desinente enim  
 morbo est lentus , vacuus , concentratus , frigescent manus , anxietati-  
 bus , delirio & stupore cruciatur æger : tunc vacillat pulsus , perpetuo  
 agitur Anginâ detentus. In quibusdam reperies salivam spumosam ob  
 difficilem respirationem : exaudires stridorem ; & veluti sonitum guttæ  
 aquosæ in puteum decidentis edit quidquid in stomachum decidit , quod  
 ab aëre alternatim ascendente & descendente procreatur & mali ominis  
 est.

#### I V.

Ex Anginis inquit *Hippocrates* gravissimæ sunt & celeriter interimunt  
 quæ , neque in faucibus , neque in cervice quidquam conspicuum faciunt ,  
 plurimum vero doloris & orthopnoæ inducunt , tinnunt pariter aures.

Solvitur Angina sudoribus , urinis , hæmorrhagiâ , menstrualis fluxu , exan-  
 thematibus & aliis evacuationibus. Rubedo ad externas partes simul & tu-  
 mor apparentes cum levamine , summam prudentiam in præfagiendo expol-  
 tulant à Medico. Inflato larynge , difficilis deglutitio tolerabilior est quam  
 cum deprehenditur pharinx & œsophagi superior pars. Metastasis sæpe sit  
 ut migratio istius morbi in arthritidem & vice versa , se transfert quandoq.  
 morbus in cerebrum , vel pulmones , vel hepar , vel in hypochondrios ,  
 fæmora. Tunc variatur prognosis prout istæ vel illæ partes afficiuntur ,  
 Angina inflammatoria præceps discutionis spem admittit , lenta commu-  
 niter tendit ad suppurationem. Abscessus ad extra ruptus suffocationis  
 periculum declinat. Si , malo violento manente absque ulla significa-  
 tione , dolores ad caput propereunt , notæ sunt exitiû. Inter mortis signa  
 adnumerantur quoque spuma ante os , lingua tumida , purpurea , extre-

morum frigus, linguæ emissio, vox cattullina, præcordiorum anxietas cum pulso duro & convulsivo &c. Si respirandi difficultas ultimum gradum attigerit tunc vel strangulatione vel syncope terminatur morbus. Quædam de prognosi obiter diximus articulo tertio.

## V.

Hujus morbi causæ sunt, dispositio juvenibus propria sanguine divitibus, biliosis, rufis; exercitium frequens validumque organorum loquelæ inservientium, ut oratoria exercitatio, cantus, clamor, fortis equitatio adverso vento & fervido, tubarum & fistularum inflatus, labores validi in aëre frigido, calor, æstuans magnus frigus accipiens tempore verno, febris inflammatoria. Omnia enim hæc, cruoris motum ad has partes conciliando vasa ve laxando lateralia, cruor lymphaticis serosisque introducitur arteriis quæ, post modum à frigore contractæ, per angustissimos eorum ramulos ingresso cruori per vasis radicem, transitum minime concedunt, qui ibi stagnans inflammationem producit, rigorem excitat quem acuta febris absolvit.

Succedit etiam morbis chronicis, suppressioni evacuationum naturalium ut fluxui menstruali, hemorrhoidibus &c. vel subito oritur ex temperie quadam aëris ut v. g. cum de repente perfiant venti, temperato antea jove; sunt & etiam malignitates in atmosfera istud malum procreantes.

## V I.

Non per mittebant antiqui somnum detentis anginâ inflammatoriâ, præsertim in principio *siente fluxione*, ne somnus adaugeret inflammationem: unde proscribenda narcotica: per venas raninas primum mittebat sanguinem Hippocrates, quem sagacissimi secuti sunt practici; sed ut *Tulpius* hæc methode plures vidit effectus sinistros, satius est antea misisse sanguinem per brachia vel pedes. Idem asserit *Wansvieten*. Incipiente morbo felici cum successu quoque quadrihorio iteratur venesectio, rarius tamen cacheticis. Si verò aëris temperies sit humida; eodemque tempore, flante euro minus indulgendum est missioni sanguinis: & contra, regnante Borea, tempore sicco.

Si forte impediatur venesectio, cucurbitulis scarificatis scapulas inter applicatis occurrendum est; observatâ tamen eâ lege quam supra. Post missionem sanguinis feliciora remedia sunt refrigerantia inter quæ non omnibus conveniunt acida. Possunt enim inflammationem adaugere æquâ proportionem ac irritabilitatem partium adaugent; in usu veniunt nitrosa, vapor mixtionis aquæ & aceti, & id cum magno emolumento; sic & ille plantarum emollientium, sed ad minorem gradum. Inter eccelegmata, paratum cum nitro, syrupo rosat. Et melle optimum est. Non minus laudandum gargarisma istud vulgare ex decoctione ficuum in aqua & lacte cui additur paululum salis ammoniaci; sed opinante de *Haen* gargarismata ex salibus confecta possunt

augere inflammationem, qua propter removenda sunt à praxi. Non adhibenda veniunt emetica quin prius missus fuerit sanguis. Illud enim remedium multis modis per utile est. Potest nempe partes mucosas è primis viis ejicere: prevertit & etiam gangrænam actione suâ in stomacho: impedit faucium atoniam, abscessuum formationem non solum evacuando sed etiam revellendo & excitando. Maxime ad revulsionem internam conducunt purgativa clysmata & antiphlogistica purgantia. Inter externa revellentia annumerabis pediluvia calida, frictiones extremitati partium inferiorum, rubefactia ut ranunculus pratensis collo applicata, mixtionem plurium excretorum animalium de quibus silemus. Nam efficacissimum linitum est olei amygdalarum dulcium & spiritus volatilis salis ammoniaci mixtio. Si nimis ingurgitentur partes faucium in his applicantur duæ vel tres incisiones cruciales, quod auxilium multum valet in extremis sic & bronchotomia; non autem prescribitur hæc operatio cum angina simpliciter facta est gangrænosa, vel cum ei successit peripneumonia.

Si suppuratio terminatur morbus, quod pulsu debili, parvo & molli, odore ingrato, elevatione tumoris albi fientis, minutione valoris, fluctuatione aliquando digito prementi notâ, cognoscet; nec sectionem venæ nec purgans prescribit; vel saltem tantum cum abscessus formatio novam procreat inflammationem: assumat tunc æger vaporem aquæ & aceti, vel plantarum emollientium per infundibulum. Cataplasmata tonica applicentur. Et si foras vergit tumor aperiatur antea quam maturus sit abscessus. Et si morbus summum attigerit gradum adhibeantur vesicantia nuchæ vel parti externæ respondentis affectæ applicata, mira hoc in morbe præstant.

---

## DISPUTATURI

### R. R. D. D. PROFESSORES REGII.

D. D. JOANNES-FRANCISCUS IMBERT, *Cancellarius & Judex.*  
 R. D. PAULUS-JOSEPHUS BARTHEZ, *Cancellarius & Judex.*  
 R. D. FRANCISCUS DE LAMURE, *Decanus.*  
 R. D. GABRIEL - FRANCISCUS VENEL.  
 R. D. CAROLUS LE ROY.  
 R. D. GASPARD - JOANNES RENÉ.  
 R. D. ANTONIUS GOUAN.  
 R. D. FRANCISCUS BROUSSOUNET.

---

R. D. HENRICUS HAGUENOT, *Decanus, Professor Emeritus.*

---

M O N S P E L I I.

Apud A. F. ROCHARD, Regis & Universitatis Medicinæ Typographum unicum 1773.